

|| śrī hanumāna cālīsā ||

dohā

śrīguru carana saroja raja nija manu mukuru sudhāri |
baranaūṁ raghubara bimala jasu jo dāyaku phala cāri ||

buddhihīna tanu jānike sumiraūṁ pavanakumāra |
bala buddhi bidyā dehu mohim harahu kalesa bikāra ||

jaya hanumāna jñāna guna sāgara | jaya kapīsa tihuṁ loka ujāgara ||
rāma dūta atulita bala dhāmā | añjaniputra pavanasuta nāmā ||

mahābīra bikrama bajaraṅgī | kumati nivāra sumati ke saṅgī ||
kañcana barana birāja subesā | kānana kuṇḍala kuñcita kesā ||

hātha bajra au dhvajā birājai | kāṁdhe mūṁja janeū sājai ||
saṅkara suvana kesarīnandana | teja pratāpa mahā jaga bandana ||

vidyāvāna gunī ati cātura | rāma kāja karibe ko ātura ||
prabhu caritra sunibe ko rasiyā | rāma lakhana sītā mana basiyā ||

sūkṣma rūpa dhari siyahim dikhāvā | bikaṭa rūpa dhari laṅka jarāvā ||
bhīma rūpa dhari asura saṁhāre | rāmacandra ke kāja saṁvāre ||

lāya sajīvana lakhana jiyāye | śrīraghubīra haraṣi ura lāye ||
raghupati kīnhī bahuta baṛāi | tuma mama priya bharatahi sama bhāi ||

sahasa badana tumharo jasa gāvaim | asa kahi śrīpati kaṅṭha lagāvaim ||
sanakādika brahmādi munīsā | nārada sārada sahita ahīsā ||

jama kubera digapāla jahāṁ te | kabi kobida kahi sake kahāṁ te ||
tuma upakāra sugrīvahim kīnhā | rāma milāya rāja pada dīnhā ||

tumharo mantra bibhīṣana mānā | laṅkesvara bhae saba jaga jānā ||
juga sahastra jojana para bhānū | līlyo tāhi madhura phala jānū ||

prabhu mudrikā meli mukha māhīm | jaladhi lāṁghi gaye acaraja nāhīm ||
durgama kāja jagata ke jete | sugama anugraha tumhare tete ||

rāma duāre tuma rakhavāre | hota na ājñā binu paisāre ||
saba sukha lahai tumhārī saranā | tuma racchaka kāhū ko ḍara nā ||

āpana teja samhāro āpai | tīnom loka hām̃ka tem kām̃pai ||
bhūta pisāca nikaṭa nahim āvai | mahābīra jaba nāma sunāvai ||

nāsai roga harai saba pīrā | japata nirantara hanumata bīrā ||
saṅkaṭa tem hanumāna chuṛāvai | mana krama bacana dhyāna jo lāvai ||

saba para rāma tapasvī rājā | tina ke kāja sakala tuma sājā ||
aura manoratha jo koī lāvai | soī amita jīvana phala pāvai ||

cārom juga paratāpa tumhārā | hai parasiddha jagata ujjārā ||
sādhu santa ke tuma rakhavāre | asura nikandana rāma dulāre ||

aṣṭa siddhi nau nidhi ke dātā | asa bara dīna jānakī mātā ||
rāma rasāyana tumhare pāsā | sadā raho raghupati ke dāsā ||

tumhare bhajana rāma ko pāvai | janama janama ke dukha bisarāvai ||
anta kāla raghubara pura jāī | jahām̃ janma haribhakta kahāī ||

aura devatā citta na dharaī | hanumata seī sarba sukha karaī ||
saṅkaṭa kaṭai miṭai saba pīrā | jo sumirai hanumata balabīrā ||

jai jai jai hanumāna gosāīm̃ | kṛpā karahu guru deva kī nāīm̃ ||
jo sata bāra pāṭha kara koī | chūṭahi bandi mahā sukha hoī ||

jo yaha paṛhai hanumāna calīsā | hoyā siddhi sākhī gaurīsā ||
tulasīdāsa sadā hari cerā | kījai nātha hṛdaya maṁha ḍerā ||

dohā

pavanatanaya saṅkaṭa harana maṅgala mūrati rūpa |
rāma lakhana sītā sahita hṛdaya basahu sura bhūpa ||

	siyāvara rāmacandra kī jaya	
	pavansuta hanumāna kī jaya	
	umāpati mahādeva kī jaya	
	bolo re bhaī saba santana kī jaya	